

Naqqiut
Siunnersuut ulloq 14. august 2020-meersoq taarserpaa
(Oqaaseqatigiiliornernik aaqqiisoqarlunilu ersarinnerulersitsisoqarpoq kiisalu qulequttap
nassuiaataa allanngortinneqarluni)

**Uunga siunnersuut: Feriarneq pillugu Inatsisartut inatsisaata allanngortinneqarnera
pillugu Inatsisartut inatsisaat nr. xx, xx. xxx 2020-meersoq**
(Kisitseriaatsip toqqammavianik allanngortitsineq)

§ 1

Feriarneq pillugu Inatsisartut inatsisaat nr. 10. 12. november 2001-imeersumi makkuninnga
allanngortitsisoqarpoq:

1. § 16, imm. 1, imatut oqaasertalerneqarpoq:

”Feriarnerisiutit aamma immikkut ittumik feriarnerisiutit naatsorsorneqarneranni akissarsianut
tapiliussat imaluunniit akissarsiat ilaat isertitatut akileraaruteqaataasussaangitsut imaluunniit
sulisitsisup soraarnerussutisianut aaqqiisuussinermut, soraarnerussutisianut
aningaasaateqarfimmi imaluunniit aningaaserivimmi, Kalaallit Nunaanni
angerlarsimaffeqartuunngitsumi imaluunniit aalajangersimasumik ingerlatsiveqanngitsumi
ilanngutsinneqartumut, akiliutai ilanngunneqassanngillat. Sulisitsisorli akissaateqarluni
sulisuusup soraarnerussutisiaqalernissamut aaqqiisuussinernut il.il. akiliutaanit
feriarnerisiuteqartitsissaaq immikkullu ittumik feriarnerisiuteqartitsissalluni.”

§ 2

Inatsisartut inatsisaat ulloq 1. januar 2021 atuutilerpoq.

Namminersorlutik Oqartussat, ulloq xx. xxx 2020

Kim Kielsen